


51 7402 1/10 ●



列傳第八

晉書三十八

御撰

宣五王

宣帝九男穆張皇后生景帝文帝平原王
 幹伏夫人生汝南文成王亮琅邪武王伷
 清惠亭侯京扶風武王駿張夫人生梁王
 彤柏夫人生趙王倫汝南王亮亮及倫別
 有傳

平原王幹字子良少以公子魏時封安陽
 亭侯稍遷撫軍中郎將進爵平陽鄉侯五

等建改封定陶伯武帝踐祚封平原王邑
萬一千三百戶給鼓吹駙馬二疋加侍中
之服咸寧初遣諸王之國幹有篤疾性理
不恒而頗清虔靜退簡於情欲故特詔留
之太康末拜光祿大夫加侍中特假金章
紫綬班次三司惠帝即位進左光祿大夫
侍中如故劔履上殿入朝不趨幹雖王大
國不事其務有所調補必以才能雖有爵
祿若不在已秩奉布帛皆露積腐爛陰雨

則出犢車而內露車或問其故對曰露者
宜內也朝士造之雖通姓名必令立車馬
於門外或終夕不見時有得覲與人物酬
接亦恂恂恭遜初無關失前後愛妾死既
斂輒不釘棺置後空室中數日一發視或
行淫穢須其尸壞乃葬之趙王倫輔政以
幹爲衛將軍惠帝反正復爲侍中加太保
齊王冏之平趙王倫也宗室朝士皆以牛
酒勞冏幹獨懷百錢見冏出之曰趙王逆

亂汝能義舉是汝之功今以百錢賀汝雖然大勢難居不可不慎罔既輔政幹詣之罔出迎拜幹入踞其牀不命罔坐語之曰汝勿效白女兒其意指倫也及罔誅幹哭之勸謂左右曰宗室且衰唯此兒最可而復害之從今殆矣東海王越興義至洛陽往視幹幹閉門不通越駐車良久幹乃使人謝遣而自於門間闕之當時莫能測其意或謂之有疾或以爲晦迹焉永嘉五年

薨時年八十會劉聰寇洛不遑贈謚有二子世子廣早卒次子求以太熙中封安德縣公散騎常侍皆爲善士遇難合門埋滅琅邪武王伷字子將正始初封南安亭侯早有才望起家爲寧朔將軍監守鄴城有綏懷之稱累遷散騎常侍進封東武鄉侯拜右將軍監兖州諸軍事兖州刺史五等初建封南皮伯轉征虜將軍假節武帝踐祚封東莞郡王邑萬六百戶始置二卿特

詔諸王自選令長伯表讓不許入爲尚書
右僕射撫軍將軍出爲鎮東大將軍假節
徐州諸軍事代衛瓘鎮下邳伯鎮御有方
得將士死力吳人憚之加開府儀同三司
改封琅邪王以東莞益其國平吳之役率
衆數萬出涂中孫皓奉箋送璽綬詣伯請
降詔曰琅邪王伯督率所統連據涂中使
賊不得相救又使琅邪相劉弘等進軍逼
江賊震懼遣使奉偽璽綬又使長史王恒

率諸軍渡江破賊邊守獲督蔡機斬首降
附五六萬計諸葛靚孫奕等皆歸命請死
功勳茂著其封子二人爲亭侯各三千戶
賜絹六千匹頃之并督青州諸軍事加侍
中之服進拜大將軍開府儀同三司伯既
戚屬尊重加有平吳之功克己恭儉無矜
滿之色寮吏盡力百姓懷化疾篤賜牀帳
衣服錢帛秬粱等物遣侍中問焉太康四
年薨時年五十七臨終表求葬母太妃陵

次并乞分國封四子帝許之恭王覲立又
封次子澹為武陵王繇為東安王淮為淮
陵王覲字思祖拜冗從僕射太熙元年薨
時年三十五子睿立是為元帝中興初以
皇子衷為琅邪王奉恭王祀衷早薨更以
皇子煥為琅邪王其日薨復以皇子昱為
琅邪王咸和之初既徙封會稽成帝又以
康帝為琅邪王康帝即位封成帝長子哀
帝為琅邪王哀帝即位以廢帝為琅邪王
廢帝即位以會稽王攝行琅邪國祀簡文
帝登祚琅邪王無嗣及帝臨崩封少子道
子為琅邪王道子後為會稽王更以恭帝
為琅邪王帝既即位琅邪國除

武陵莊王澹字思弘初為冗從僕射後封
東武公邑五千二百戶轉前將軍中護軍
性忌害無孝友之行弟東安王繇有令名
為父母所愛澹惡之如讐遂譖繇於汝南
王亮亮素與繇有隙奏廢徙之趙王倫作

亂以澹為領軍將軍澹素與河內郭倣弟
侃親善酒酣倣等言張華之寃澹性酗酒
因並殺之送首于倫其酗虐如此澹妻郭
氏賈后內妹也初恃勢無禮於澹母齊王
冏輔政澹母諸葛太妃表澹不孝乞遠繇
由是澹與妻子徙遼東其子禧年五歲不
肯隨去曰要當為父求還無為俱徙陳訴
歷年太妃薨繇被害然後得還拜光祿大
夫尚書太子太傅改封武陵王永嘉末為
晞為武陵王以奉澹祀焉

石勒所害子哀王喆立喆字景林拜散騎
常侍亦為勒所害無子其後元帝立皇子
晞為武陵王以奉澹祀焉
東安王繇字思立初拜東安公歷散騎黃
門侍郎遷散騎常侍美鬚聃性剛毅有威
望博學多才事親孝居喪盡禮誅楊駿之
際繇屯雲龍門兼統諸軍以功拜右衛將
軍領射聲校尉進封郡王邑二萬戶加侍
中兼典軍大將軍領右衛如故遷尚書右

僕射加散騎常侍是日誅賞三百餘人皆
自繇出東夷校尉文倣父欽爲繇外祖諸
葛誕所殺繇慮倣爲舅家之患是日亦以
非罪誅倣繇兄澹屢構繇於汝南王亮亮
不納至是以繇專行誅賞澹因隙譖之亮
惑其說遂免繇官以公就第坐有悖言廢
徙帶方永康中徵繇復封拜宗正卿遷尚
書轉左僕射惠帝之討成都王穎時繇遭
母喪在鄴勸穎解兵而降及王師敗績穎

怨繇乃害之後立琅邪王觀子長樂亭侯
渾爲東安王以奉繇祀尋薨國除

淮陵元王漑字思沖初封廣陵公食邑二
千九百戶歷左將軍散騎常侍趙王倫之
篡也三王起義漑與左衛將軍王輿攻殺
孫秀因而廢倫以功進封淮陵王入爲尚
書加侍中轉宗正光祿大夫薨子貞王融
立薨無子安帝時立武陵威王孫蘊爲淮
陵王以奉元王之祀位至散騎常侍薨無

子以臨川王寶子安之為嗣宋受禪國除
清惠亭侯京字子佐魏末以公子賜爵年
二十四薨追贈射聲校尉以文帝子機字
太玄為嗣泰始元年封燕王邑六千六百
六十三戶機之國咸寧初徵為步兵校尉
以漁陽郡益其國加侍中之服拜青州都
督鎮東將軍假節以北平上谷廣寧郡一
萬三百四十七戶增燕國為三萬戶薨無
子齊王罔表以子幾嗣後罔敗國除

扶風武王駿字子臧幼聰惠年五六歲能
書跡諷誦經籍見者竒之及長清貞守道
宗室之中最為雋望魏景初中封平陽亭
侯齊王芳立駿年八歲為散騎常侍侍講
焉尋遷步兵屯騎校尉常侍如故進爵鄉
侯出為平南將軍假節都督淮北諸軍事
改封平壽侯轉安東將軍咸熙初徙封東
牟侯轉安東大將軍鎮許昌武帝踐祚進
封汝陰王邑萬戶都督豫州諸軍事吳將

丁奉寇芍陂駿督諸軍距退之遷使持節
都督揚州諸軍事代石苞鎮壽春尋復都
督豫州遷鎮許昌遷鎮西大將軍使持節
都督雍涼等州諸軍事代汝南王亮鎮關
中加袞冕侍中之服駿善撫御有威恩勸
督農桑與士卒分役已及寮佐并將帥兵
士等人限田十畝具以表聞詔遣普下州
縣使各務農事咸寧初羌虜樹機能等叛
遣衆討之斬三千餘級進位征西大將軍

開府辟召儀同三司持節都督如故又詔
駿遣七千人代涼州守兵樹機能侯彈勃
等欲先劫帥兵駿命平虜護軍文倣督涼
秦雍諸軍各進屯以威之機能乃遣所領
二十部及彈勃面縛軍門各遣入質子安
定北地金城諸胡吉軻羅侯金多及北虜
熱冏等二十萬口又來降其年入朝徙封
扶風王以氐戶在國界者增封給羽葆鼓
吹太康初進拜驃騎將軍開府持節都督

如故駿有孝行母伏太妃隨兄亮在官駿
常涕泣思慕若聞有疾輒憂懼不食或時
委官定省少好學能著論與荀顛論仁孝
先後文有可稱及齊王攸出鎮駿表諫懇
切以帝不從遂發病薨追贈大司馬加侍
中假黃鉞西土聞其薨也泣者盈路百姓
爲之樹碑長老見碑無不下拜其遺愛如
此有子十人暢歆最知名

暢字玄舒改封順陽王拜給事中屯騎校

尉游擊將軍永嘉末劉聰入洛不知所終
新野莊王歆字弘舒武王薨後兄暢推恩
請分國封歆太康中詔封新野縣公邑千
八百戶儀比縣王歆雖少貴而謹身履道
母臧太妃薨居喪過禮以孝聞拜散騎常
侍趙王倫篡位以爲南中郎將齊王冏舉
義兵移檄天下歆未知所從嬖人王綏曰
趙親而強齊疎而弱公宜從趙參軍孫洵
大言於衆曰趙王凶逆天下當共討之大

義滅親古之明典歆從之乃使洵詣罔罔
迎執其手曰使我得成大節者新野公也
罔入洛歆躬貫甲冑率所領導罔以勲進
封新野郡王邑二萬戶遷使持節都督荆
州諸軍事鎮南大將軍開府儀同三司歆
將之鎮與罔同乘謁陵曰說罔曰成都至
親同建大勲今宜留之與輔政若不能耳
當奪其兵權罔不從俄而罔敗歆懼自結
於成都王穎歆爲政嚴刻蠻夷並怨及張

昌作亂於江夏歆表請討之時長沙正乂
執政與成都王穎有隙疑歆與穎連謀不
聽歆出兵昌衆曰盛時孫洵爲從事中郎
謂歆曰古人有言一日縱敵數世之患公
荷藩屏之任居推轂之重拜表輒行有何
不可而使姦凶滋蔓禍豐不測豈維翰王
室鎮靜方夏之謂乎歆將出軍王綏又曰
昌等小賊偏裨自足制之不煩違帝命親
矢石也乃止昌至樊城歆出距之衆潰爲

昌所害追贈驃騎將軍無子以兄子劭為
後永嘉末沒於石勒

梁孝主彤字子微清修恭慎無他才能以
公子封平樂亭侯及五等建改封開平子
武帝踐祚封梁王邑五千三百五十八戶
及之國遷北中郎將督鄴城守事時諸王
自選官屬彤以汝陰上計吏張蕃為中大
夫蕃素無行本名雄妻劉氏解音樂為曹
爽教伎蕃又往來何晏所而恣為姦淫晏

誅徙河間乃變名自結於彤為有司所奏
詔削一縣咸寧中復以陳國汝南南頓增
封為次國太康中代孔洵監豫州軍事加
平東將軍鎮許昌頃之又以本官代下邳
王晃監青徐州軍事進弼安東將軍元康
初轉征西將軍代秦王東都督關中軍事
領護西戎校尉加侍中進督梁州尋徵為
衛將軍錄尚書事行太子太保給千兵百
騎久之復為征西大將軍代趙王倫鎮關

中都督涼雍諸軍事置左右長史司馬又
領西戎校尉也好時督建威將軍周處振
威將軍盧播等伐氐賊齊萬年於六陌彤
與處有隙促令進軍而絕其後播又不救
之故處見害朝廷尤之尋徵拜大將軍尚
書令領軍將軍錄尚書事彤掌大會謂參
軍王銓曰我從兄爲尚書令不能啖大嚮
大嚮故難銓曰公在此獨嚼尚難矣彤曰
長史大嚮爲誰曰盧播是也彤曰是家吏

隱之耳銓曰天下咸是家吏便恐王法不
可復行彤又曰我在長安作何等不善因
指單衣補幘以爲清銓荅曰朝野望公舉
薦賢才使不仁者遠而位居公輔以衣補
幘以此爲清無足稱也彤有慙色未康初
共趙王倫廢賈后詔以彤爲太宰守尚書
令增封二萬戶趙王倫輔政有星變占曰
不利上相孫秀懼倫受災乃省司徒爲丞
相以受彤猥加崇進欲以應之或曰彤無

權不益也彤固讓不受及倫篡位以彤為
阿衡給武賁百人軒懸之樂十人倫滅詔
以彤為太宰領司徒又代高密王泰為宗
師永康二年薨喪葬依汝南文成王亮故
事博士陳留蔡克議謚曰彤位為宰相責
深任重屬尊親近且為宗師朝所仰望下
所具瞻而臨大節無不可奪之志當危事
不能舍生取義愍懷之廢不聞一言之諫
淮南之難不能因勢輔義趙王倫篡逆不

能引身去朝宋有蕩氏之亂華元自以不
能居官曰君臣之訓我所司也公室卑而
不正吾罪大矣夫以區區之宋猶有不素
食之臣而況帝王之朝有苟容之相此而
不貶法將何施謹按謚法不勤成名曰靈
彤見義不為不可謂勤宜謚曰靈梁國常
侍孫霖及彤親黨稱枉臺乃下符曰賈氏
專權趙王倫篡逆皆力制朝野彤勢不得
去而責其不能引身去朝義何所據克重

議曰彤為宗室臣而國亂不能匡主顛不能扶非所以為相故春秋譏華元樂舉謂之不臣且賈氏之酷烈不甚於呂后而王陵猶得杜門趙王倫之無道不甚於彤紂而微子猶得去之近者太尉陳準異姓之人加弟微有射鉤之隙亦得託疾辭位不涉偽朝何至於彤親倫之兄而不得去乎趙盾入諫不從出亡不遠猶不免於責況彤不能去位北面事偽主乎宜如前議加

其貶責以廣為臣之節明事君之道於是朝廷從克議彤故吏復追訴不已故改焉無子以武陵王澹子禧為後是為懷王拜征虜將軍與澹俱沒於石勒元帝時以西陽王羨子悝為彤嗣早薨是為殤王至是懷王子翹自石氏歸國得立是為聲王官至散騎常侍薨無子詔以武陵威王子璿為翹嗣歷永安太僕與父晞俱廢徙新安薨太元中復國子赫立薨子殄之立栢之

篡位國臣孔璞奉珍之奔于壽陽義旗初
乃歸累遷左衛將軍太常卿劉裕伐姚泓
請為諮議參軍為裕所害國除

文六王

文帝九男文明王皇后生武帝齊獻王攸
城陽哀王兆遼東悼惠王定國廣漢殤王
廣德其樂安平王鑿燕王機皇子永祚樂
平王延祚不知母氏燕王機繼清惠亭侯
別有傳永祚早亡無傳

齊獻王攸字大猷少而岐嶷及長清和平
允親賢好施愛經籍能屬文善尺牘為世
所楷才望出武帝之右宣帝每器之景帝
無子命攸為嗣從征王凌封長樂亭侯及
景帝崩攸年十歲哀動左右大見稱嘆
封武陽侯奉景獻羊后於別第事后以孝
聞復歷散騎常侍步兵校尉時年十八綏
撫軍部甚有威惠五等建改封安昌侯遷
衛將軍居文帝喪哀毀過禮杖而後起左

以稻米乾飯雜理中丸進之攸泣而不
受太后自往勉諭曰若萬一加以他疾將
復如何宜遠慮深計不可專守一志常遣
人逼進飲食司馬嵇喜又諫曰毀不滅性
聖人之教且大王地即密親任惟元輔匹
夫猶惜其命以爲祖宗况荷天下之大業
輔帝室之重任而可盡無極之哀與顏閔
爭孝不可令賢人笑愚人幸也喜躬自進
食攸不得已爲之強飯喜退攸謂左右曰

嵇司馬將令我不忘居喪之節得存區區
之身耳武帝踐祚封齊王時朝廷草創而
攸總統軍事撫寧內外莫不景附焉詔議
藩王令自選國內長吏攸奏議曰昔聖王
封建萬國以親諸侯軌跡相承莫之能改
誠以君不世居則人心偷幸人無常主則
風俗爲薄是以先帝深覽經遠之統思復
先哲之軌分土畫疆建爵五等或以進德
或以酬功伏惟陛下應期創業樹建親戚

聽使藩國自除長吏而今草創制度初立
雖庸蜀順軌吳猶未賓宜俟清泰乃議復
古之制書比三上輒報不許其後國相上
長吏缺典書令請求差選攸下令曰泰受
恩禮不稱惟憂至於官人叙才皆朝廷之
事非國所宜裁也其令自上請之時王家
人衣食皆出御府攸表租秩足以自供求
絕之前後十餘上帝又不許攸雖未之國
文武官屬下至士卒分租賦以給之疾病

死喪賜與之而時有水旱國內百姓則加
振貸須豐年乃責十減其二國內賴之遷
驃騎將軍開府辟召禮同三司降身虛已
待物以信常嘆公府不按吏然以董御戎
政後有威克之宜乃下教曰夫先王馭世
明罰勅法鞭朴作教以正逋慢且唐虞之
朝猶須督責前欲撰次其事使粗有常懼
煩簡之宜未審其要故令劉程二君詳定
然思惟之鄭鑄刑書叔向不躱范宣議制

中尼譏之令皆如舊無所增損其常節度
不及者隨事處決諸吏各竭乃心思同
在公古人之節如有所闕以賴股皆如舊
之規庶以免負於是內外祗肅時驃騎當
罷營兵兵士數千人戀攸恩德不肯去遮
京兆主言之帝乃還攸兵攸每朝政大議
悉心陳之詔以比年饑饉議所節省攸奏
議曰臣聞先王之教莫不先正其本務農
重本國之大綱當今方隅清穆武夫釋甲

廣分休假以就農業然守相不能勤心恤
公以盡地利昔漢宣嘆曰與朕理天下者
惟良二千石乎勤加賞罰黜陟幽明于時
翕然用多名守計今地有餘羨而不農者
衆加附業之人復有虛假通天下之謀則
饑者必不少矣今宜嚴勅州郡檢諸虛詐
害農之事督實南畝上下同奉所務則天
下之穀可復古政豈患於暫一水旱便憂
饑餒哉考績黜陟畢使嚴明畏威懷惠莫

不自厲又都邑之內游食滋多巧伎末業
服飾奢麗富人兼美猶有魏之遺弊染化
日淺靡財害穀動復萬計宜申明舊法必
禁絕之使去奢節儉不奪農時畢力稼穡
以實倉廩則榮辱禮節由之而生興化反
本於茲為盛轉鎮軍大將軍加侍中羽葆
鼓吹行太子少傅數年授太子太傅獻箴
於太子曰伊昔上皇建國立君仰觀天文
俯察地理創業恢道以安人承祀祚延統

重故援立太子尊以弘道固以貳已儲德
既立邦有所恃夫親仁者功成邇佞者國
傾故保相之材必擇賢明昔在周成旦奭
作傅外以明德自輔內以親親立固德以
義濟親則自然羸廢公族其崩如山劉建
子弟漢祚未傳楚以無極作亂宋以伊戾
興難張禹佞給卒危強漢輔弼不忠禍及
乃躬匪徒乃躬乃喪乃邦無曰父子不間
昔有江充無曰至親匪貳或谷潘崇諛言

亂真譖潤離親驪姬之讒晉侯疑申固親
以道勿固以恩修身以敬勿託以尊自損
者有餘自益者弥昏庶事不可以不恤大
本不可以不敦見亡戒危覩安思存冢子
司義敢告在閭世以為工咸寧二年代賈
充為司空侍中太傅如故初攸特為文帝
所寵愛每見攸輒撫牀呼其小字曰此桃
符座也幾為太子者數矣及帝寢疾慮故
不安為武帝叙漢淮南王魏陳思故事而

泣臨崩執攸手以授帝先是太后有疾既
瘳帝與攸奉觴上壽攸以太后前疾危篤
因戲欷流涕帝有愧焉攸嘗侍帝疾恒有
憂戚之容時人以此稱嘆之及太后臨崩
亦流涕謂帝曰桃符性急而汝為兄不慈
我若遂不起恐必不能相容以是屬汝勿
忘我言及帝晚年諸子並弱而太子不令
朝臣內外皆屬意於攸中書監荀勗侍中
馮紘皆諂諛自進攸素疾之勗等以朝望

在攸恐其爲嗣禍必及已乃從容言於帝曰陛下萬歲之後太子不得立也帝曰何故勗曰百僚內外皆歸心於齊王太子焉得立乎陛下試詔齊王之國必舉朝以爲不可則臣言有徵矣統又言曰陛下遣諸侯之國成五等之制者宜先從親始親莫若齊王帝既信勗言又納統說太康三年乃下詔曰古者九命作伯或入毗朝政或出御方嶽周之呂尚五侯九伯實得征之

侍中司空齊王攸明德清暢忠允篤誠以母弟之親受台輔之任佐命立勲劬勞王室宜登顯位以稱具瞻其以爲大司馬都督青州諸軍事侍中如故假節將本營千人親騎帳下司馬大車皆如舊增鼓吹一部官騎滿二十人置騎司馬五人餘主者詳案舊制施行攸不悅主簿丁頤曰昔太公封齊猶表東海桓公九合以長五伯况殿下誕德欽明恢弼大藩穆然東軫莫不

得所何必絳闕乃弘帝載攸曰吾無匡時
之用卿言何多明年策攸曰於戲惟命不
于常天既遷有魏之祚我有晉既受順天
明命光建羣后越造王國于東土錫茲青
社用藩翬我邦家茂哉無怠以求保宗廟
又詔下太常議崇錫之物以濟南郡益齊
國又以攸子寔爲北海王於是備物典策
設軒懸之樂六佾之舞黃鉞朝車乘輿之
副從焉攸知勗統構已憤然發疾乞守先

後陵不許帝遣御醫診視諸醫希旨皆言
無疾疾轉篤猶催上道攸自強入辭素待
容儀疾雖困尚自整厲舉止如常帝益疑
無疾辭出信宿歐血而薨時年三十六帝
哭之慟馮統侍側曰齊王名過其實而天
下歸之今自薨隕社稷之福也陛下何哀
之過帝收淚而止詔喪禮依安平王季子故
事廟設軒懸之樂配饗太廟子罔立別有
傳攸以禮自拘鮮有過事就人借書必手

刊其謬然後反之加以至性過人有觸其諱者輒泣然流涕雖武帝亦敬憚之每引之同處必擇言而後發三子羗贊寔

羗字景回出繼遼東王定國太康初徙封東萊王元康中歷步兵屯騎校尉羗性強暴使酒數陵侮弟罔罔以兄故容之罔起義兵趙王倫收羗及弟北海王寔擊廷尉當誅倫太子中庶子祖納上疏諫曰罪不相及惡止其身此先哲之弘謀百王之達

制也是故鯀既殛禹乃嗣興二叔誅放而邢衛無責逮乎戰國及至秦漢明恕之道寢猜嫌之情用乃立質任以御衆設從罪以發姦其所由来蓋三代之弊法耳羗寔獻王之子明德之胤宜蒙特宥以全穆親之典會孫秀死羗等悉得免罔擁衆入洛羗於路迎之罔不即見須符付前頓羗恚曰吾坐爾殆死曾無友于之情及罔輔政詔以羗為散騎常侍加大將軍領後軍

侍中特進增邑滿二萬戶又從罔求開府
罔曰武帝子吳豫章尚未開府宜且須後
繼以是益然密表罔專權與左衛將軍王
與謀共廢罔事覺免為庶人尋詔曰大司
馬以經識明斷高謀遠略猥率同盟安復
社稷自書契所載周召之美未足比勳故
授公上宰東萊王繼潛懷忌妬包藏禍心
與王與密謀圖欲譖害收輿之日繼與青
衣共載微服奔走經宿乃還姦凶赫然妖

惑外內又前表罔所言深重雖管蔡失道
牙慶亂宗不復過也春秋之興大義滅親
其後繼上庸後封微陽侯永寧初上庸內
史陳鍾承罔自害繼罔死詔誅鍾復繼改
葬以王禮

贊字景期繼廣漢殤王廣德後年六歲太
康元年薨謚沖王

寔字景深初為長樂亭侯攸以替薨又以
寔繼廣漢殤王後改封北海王永寧初為

平東將軍假節加散騎常侍代齊王罔鎮
許昌尋進安南將軍都督豫州軍事增邑
滿二萬戶未發留爲侍中上軍將軍給千
兵百騎

城陽哀王兆字千秋年十歲而天武帝踐
祚詔曰亡弟千秋少聰慧有夙成之質不
幸早亡先帝先后特所哀愍先后欲紹立
其後而竟未遂每追遺意情懷感傷其以
皇子景度爲千秋後雖非典禮亦近世之

所行且以述先後本旨也於是追加兆封
謚景度以泰始六年薨復以第五子憲繼
哀王後薨復以第六子祗爲東海王繼哀
王後薨咸寧初又封第十三子遐爲清河
王以繼兆後

遼東悼惠王定國年三歲薨咸寧初追加
封謚齊王攸以長子緄爲嗣緄薨子遵嗣
廣漢殤王廣德年二歲薨咸寧初追加封
謚齊王攸以第五子贊紹封薨攸更以第

二子寔是嗣廣德

樂安平王鑒字大明初封臨泗亭侯武帝踐祚封樂安王帝為鑒及燕王機高選師友下詔曰樂安王鑒燕王機並以長大宜得輔導師友取明經儒學有行義節儉使足嚴憚昔韓起與田蘇遊而好善宜必得其人泰始中拜越騎校尉咸寧初以齊之梁鄒益封因之國服侍中之服元康初徵為散騎常侍上軍大將軍領射聲校尉

遷使持節都督豫州軍事安南將軍代清河王遐鎮許昌以疾不行七年薨子殤王籍立薨無子齊王冏以子冰紹鑒後以濟陰萬一千二百一十九戶改為廣陽國立冰為廣陽王冏敗廢

樂平王延祚字大思少有篤疾不任封爵太康初詔曰弟祚早孤無識情所哀愍幼得篤疾日冀其差今遂廢猶無復後望意甚傷之其封為樂平王使有名號以慰吾

心尋夢無子

史臣曰平原性理不怛世莫之測及其處
亂離之際屬交爭之秋而能遠害全身享
茲介福其愚不可及已琅邪武功既暢飾
之以溫恭扶風文教克宣加之以孝行抑
宗室之可稱者也齊王以兩獻之親弘二
南之化道光雅俗望重台衡百辟具瞻萬
方屬意既而地疑致逼文雅見疵統勗陳
葛章之邪謀武皇深翼子之滯愛遂乃褫

龍章於袞職徒侯服於下藩未及戒塗終
於憤恚惜哉若使天假之年而除其害奉
綴衣之命膺負圖之託光輔嗣君允釐邦
政求諸冥兆或廢興之有期徵之人事庶
勝殘之可及何八王之敢力爭五胡之能
競逐哉詩云人之云亡邦國殄瘁攸實有
之讒人罔極交亂四國其荀馮之謂也
贊曰文宣孫子或賢或鄙扶風遺愛琅邪
克已澹諂凶魁彤參釁始幹雖靜退性乖

恒理彼美齊獻卓爾不群自家刑國緯武
經文本摧於秀蘭燒以薰

列傳第八

晉書三十八

音義

由音宙彤音融本或作腐爛音輔釘丁定

踞音據闕去隨堙音因箋則前靚疾正反

杭音庚俶昌六反酉香遇反禧許之反詰

音哲鬚髯汝盪反悖音佩質左傳雙博許

洵音荀禪頻甲反啖徒敢反嚮力轉反嚼

疾藥反憶虛偃反盾徒損反羌餘亮反續

音讀嵇音奚差選初皆反乃責則責反鞭

扑普木反餒奴罪反闡音昏統都敢反診

之忍反
歐烏口反
法胡犬反
魚古本
殛紀

反
恚於避反
痼音固
逼或作福
禡周易
直是反

毳

